

Na osnovu člana 8. stav 1. Pravilnika o definiciji arhitekture zdravstveno-informacionog sistema primarne zdravstvene zaštite („Službene novine Federacije BiH“, broj 82/13), Federalno ministarstvo zdravstva raspisuje

**JAVNI OGLAS
ZA IZBOR ČLANOVA STRUČNE KOMISIJE FEDERALNOG
MINISTARSTVA ZDRAVSTVA ZA PROVJERU ISPUNJENOSTI
TEHNIČKIH I FUNKCIONALNIH UVJETA SOFTVERSKIH RJEŠENJA
PO ZAHTJEVU PONUĐAČA**

1. Objavljuje se Javni oglas za izbor članova Stručne komisije Federalnog ministarstva zdravstva za provjeru ispunjenosti tehničkih i funkcionalnih uvjeta softverskih rješenja po zahtjevu ponuđača (u daljem tekstu: Stručna komisija).

Stručna komisija je organ nadležan za provjeru ispunjenosti tehničkih i funkcionalnih uvjeta softverskih rješenja, po zahtjevu ponuđača, a na osnovu javnog oglasa koji se objavljuje u skladu sa odredbama Pravilnika o definiciji arhitekture zdravstveno-informacionog sistema primarne zdravstvene zaštite („Službene novine Federacije BiH“, broj 82/13) (u daljem tekstu: Pravilnik).

Javni oglas se objavljuje za izbor četiri člana Stručne komisije, i to:

- 1) doktor ili magistar nauka iz oblasti oblasti upravljanja informacijskim sistemima/informacijskih sistema/računarskih nauka,
- 2) sistem analitičar,
- 3) programer,
- 4) doktor medicine-specijalista porodične medicine.

Članovi Stručne komisije su osobe sa profesionalnim kompetencijama i istaknuti stručnjaci iz oblasti informacionih i zdravstvenih tehnologija koji su dali značajan doprinos u razvoju i istraživanju ovih oblasti, primjeni i razvoju informacionih i zdravstvenih tehnologija, odnosno u obavljanju zdravstvene i informatičke djelatnosti.

2. Zadatak Stručne komisije, saglasno Pravilniku, je da kod podnosioca zahtjeva provjeri ispunjenost tehničkih i funkcionalnih uvjeta ponuđenog softverskog rješenja sa tehničkim i funkcionalnim uvjetima utvrđenim u Prilogu 1. Pravilnika, a specifično da:

- provjeri kompletnost dostavljene dokumentacije u skladu sa tačkom 2.1. iz Priloga 2. Pravilnika,
- izvrši kvalitativnu analizu dostavljene dokumentacije u skladu sa tehničkim i funkcionalnim uvjetima utvrđenim u Prilogu 1. Pravilnika,
- učestvuje u analizi, prezentacijama i demonstraciji funkcionalnosti softverskog rješenja unutar zdravstvene ustanove i/ili u laboratorijskom okruženju van zdravstvene ustanove,
- kreira i dostavi izvještaje za svaku od faza.

3. Mandat Stručne komisije traje četiri godine, a po isteku mandata ista osoba može na osnovu javnog oglasa, ponovno biti imenovana, ali najviše za još jedan mandatni period.

4. Uvjeti za kandidate

- 1) Za člana Stručne komisije - doktor ili magistar nauka iz oblasti upravljanja informacijskim sistemima/informacijskih sistema/računarskih nauka:
 - zvanje diplomiranog inženjera elektrotehnike ili inženjera iz oblasti upravljanja, informacijskim sistemima /informacijskih sistema/ računarskih nauka,
 - najmanje 10 godina iskustva na implementaciji informacijskih sistema,
 - iskustvo u vođenju implementacije organizacijskih promjena u pogledu informacijskih sistema,
 - iskustvo iz oblasti planiranja i razvoja informacijskih sistema u zdravstvu,
 - najmanje jedna referenca u pogledu strateškog planiranja implementacije informacijskih sistema u zdravstvu, i
 - najmanje jedna referenca u pogledu implementacije informacijskih sistema.
- 2) Za člana Stručne komisije - sistem analitičar:
 - zvanje diplomiranog inženjera elektrotehnike ili inženjera iz oblasti upravljanja informacijskim sistemima/informacijskih sistema/računarskih nauka,
 - najmanje 10 godina iskustva na projektima planiranja, projektovanja i QA IT sistema, implementacije informacijskih sistema, i
 - iskustvo iz oblasti planiranja i razvoja informacijskih sistema u zdravstvu.
- 3) Za člana Stručne komisije – programer:
 - zvanje diplomiranog inženjera elektrotehnike ili inženjera/bechelora iz oblasti upravljanja informacijskim sistemima/informacijskih sistema/računarskih nauka,
 - najmanje tri godine stručnog iskustva kao vodeći softverski programer,
 - iskustvo systemske analize i dizajna, poželjno u oblasti zdravstva i javne administracije,
 - iskustvo u radu sa bazama podataka i integraciji web aplikacija,
 - iskustvo sa Microsoft, Oracle, Java i XML tehnologijama.
- 4) Član komisije - doktor medicine, specijalista porodične medicine:
 - najmanje deset godina stručnog iskustva u primarnoj zdravstvenoj zaštiti.

5. Uz prijavu na javni oglas, kandidati su dužni dostaviti dokaze o ispunjavanju uvjeta iz tačke 4, te dokaze o stečenoj stručnoj spremi (ovjerena kopija diplome, uvjerenja o položenom specijalističkom/subspecijalističkom ispitu, i sl.), kao i biografiju.

6. Javni oglas ostaje otvoren 15 (petnaest) dana od dana posljednjeg objavljivanja ovog javnog oglasa.

Neblagovremene i nepotpune prijave neće biti uzete u razmatranje.

Prijave kandidata sa dokazima (u originalu ili ovjerenj fotografiji) dostavljaju se preporučenom poštom na adresu:

„FEDERALNO MINISTARSTVO ZDRAVSTVA

Ul. Titova broj 9.

71000 Sarajevo“

sa naznakom

„Prijava za izbor članova Stručne komisije Federalnog ministarstva zdravstva za provjeru ispunjenosti tehničkih i funkcionalnih uvjeta softverskih rješenja po zahtjevu ponuđača – ne otvarati.“

Na poleđini koverta navesti ime i prezime podnosioca prijave, adresu i kontakt telefon.

7. Javni oglas će biti objavljen u dvije dnevne novine i na web stranici Federalnog ministarstva zdravstva.

8. Svi kandidati koji budu stavljeni na listu sa užim izborom bit će pozvani na intervju. Prije intervjua kandidati su dužni dati podatke o ranijim neposrednim rukovoditeljima od kojih se mogu dobiti preporuke i informacije o kandidatima.

Nakon završene procedure izbora članova Stručne komisije, prijave i dokumentacija se neće vraćati kandidatima koji su aplicirali na ovaj Javni oglas.